

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Menippus sive dialogorum satyricorum centuria inanitatum nostrativum speculum

Andreä, Johann Valentin

Cosmopoli [i.e. Straßburg], 1618

28. Commentaria

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

per jocum quidam literictos vocavit, quasi literis agitato. *B.* Ad veterem Germanorum barbariem retrospicis, *A.* Ego certè nunc minus iniquus sum Germanis nostris, qui literis non inveni caruerunt, postquam enim *semidocti* prodierunt, integrè boni desunt. *B.* Expectabimus si quando tu aliam & novam literaturam substituas. *A.* En accipe, quæ mea liberalitas est, Sapientiam, quæ te veritatem, justitiam, quæ æquitatem, temperantiam, quæ affectuum dominium, fortitudinem, quæ metu vacare doceant, ut juvenis discas, quæ viro faciendæ sunt.

28. COMMENTARIA.

A. AD Apocalypseos nomen olim uti semper religione quadam exhorui, ita propè ad oravi eos, qui se promississent interpretes, nunc aliter est. *B.* Apparet minus religiosum factum. *A.* Quid facerem jam, posteaquam tot conjecturæ & divinationes, tot confidentissimæ prædictiones, & Divini Spiritus jactata dictamina, tot sollicitæ numerorum computationes, nihil nos eventuum fecere certiores. *B.* Semper illi quidem, qui ad speciem, & personas vaticinia sua accommodarunt, nimium tentarunt, sed generalibus inhæsisse mutationum suspicionibus, id demum securissimum est. *A.* Id verò ad Propheticum, quo acti esse videri volebant, Spiritum nihil; nam & prudentis est, de futuris non incommode conijcere. *B.* Non video, quid viros bonos ad temerarium vaticinandi conatum pellexerit. *A.* Nec

A. Nec ego; nisi quod suspicor formulam eam qua ex Aristotelis mente Prophetarum mystica omnia explicant, spem illis ac animum fecisse, etiam temporum prognostica attingendi. *B.* Quam formulam? *A.* Qua, quicquid tandem Propheta voluerit, ex omni textu aut disputatorio jaculum fabricant, aut mores civiles formant, aut Rhetoricum artificium monstrant, reliqua (nisi quid manifestè Christo conveniat) cœlesti Academiæ reservant. *B.* Quæ maior ingenuitas, quàm ea explicare, quæ scias, reliqua Deo remittere? *A.* Ea maior est, si confitearis, non capere divina mysteria, & revelatis acquiescere. *B.* Quis Prophetarum usus sit, sine interpretibus? *A.* Quis cum hæc aliquorum interpretatione, quæ an Prophetam vel procul attingat, incertum est? Orabimus potius Deum, ut quæ obscura mundo esse voluit, filijs suis plana esse sinat. *B.* An tu illos accessisse credis sine precibus? *A.* Non utique; sed quid impetrarint, dubium valde est, cum inter se dissentiant. *B.* Satis est, si dicat scripturæ analogæ. *A.* Infinita possunt esse, quæ scripturæ sunt analogæ, quæ tamen Prophetæ obscuritatem non illuminant. *B.* Si quid Ecclesiam ædificat, nunquam inanis labor est. *A.* Nunquam sanè, sed nec labor propheticus, alia sunt in quibus exerceant Rhetorices vim, nam in vaticinia imbecillior est, cum non verborum lepor, aut persuasionum copia spectetur, sed prædictionum certitudo & accom-

modatio. *B.* Illi sua contulerunt, nec impediunt largiora spiritus dona. *A.* Vnum ergo superest sciam, an reuera Prophetæ mentem explicatam crediderint, an notas tantum, & suspiciones, ac styli, vocisq; exercitia edere voluerint? *B.* Omnia hæc, ac insuper doctrinæ controversæ accommodationem. *A.* Acquiesco: interim mihi videor ab ijs didicisse mirificam artem, qua Biblia omnia explicem philosophicè, & Philosophica biblicè.

29. AERARIUM.

Quas hic obsecro tabellas geris? *B.* Rationes sunt. *A.* Tu ne rationes, homo religiosus? *B.* Imò sacras, nam ærarij nostri sunt, siue fisci. *A.* Visci? ceddò eas, si licet. *B.* Quidni liceat; velim mundo constare meam integritatem. *A.* Vnde hæc argenti summa est? *B.* Solet festis diebus, aut Ecclesiæ solennitatibus colligi à bonæ voluntatis hominibus. *A.* In quem usum? *B.* Eleemosynarium. *A.* Sine percurram. *B.* Tu summas potius inspicere. *A.* Bene. Mendicantibus 3. fl. Sclaribus 10. bac. Viduis 1. fl. Simphoniacis 6. fl. Pictori 34. fl. Exulibus 2. fl. Scriuario 10. fl. Lotrici 20. bac. In varias restaurationes 18. fl. In conuiuia 60. fl. Eho! an hoc postremum æquè Eleemosyna est? *B.* Quidni; nam cum toto anno accipiendis, expendendisque nummis simus occupati, nonne quater nobis convivari liceat? *A.* Imò sæpius; si fateamini vos conuiyas eleemosynarios. *B.* Trituranti bovis os non